



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 38. S. Moyses Episcopus Saracenorum.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

pore sanctitatis tuæ fama ad me delata est, Sæculum IV. A. C. 373.
 & te videndi desiderio tenebar. Gratius
 ago tibi, quod Filiis meis humiliationis
 causam dederis; sed satis jam tuum exem-
 plum nobis profuit, recede, obsecro! &
 ora pro nobis. Ita S. Macarius ad suos
 rediit. Non exiguum miraculorum nu-
 merum in ægrotis, & energumenis pa-
 travit. (*)

§. XXXVIII.

S. Moyses Episcopus Saracenorum.

Saraceni Duce Regina sua Mavia, seu
 magis Maouvia, jam Christiana, arma
 Romanis inferebant. Valens, quem ali-
 bi alii hostes premebant, cum hac Regi-
 na pacem iniit; illa inter cæteras pacis
 condiciones posuit, ut populo suo Epis-
 copus daretur ejusdem gentis vir, Moy-
 ses virtutibus, & miraculis celeberrimus
 Monachus in deserto inter Ægypti, &
 Palæstinæ confinia habitans. Romani
 exercitus Duces non ægre in hanc condi-
 tionem consenserunt; qua ad Valentem
 præscripta, jussit, ut sine mora Moyses
 Alexandriam perduceretur, manuum im-
 positionem de more recepturus, quod
 hæc illis locis proxima esset Ecclesia; et-

Socr. IV. c. 36.

Sozom. VI. c. 38.

Theod. IV. c. 25.

Ruf. II. c. 6.

Y 5 go

(*) Non exiguum &c. Hæc verba Interpres
 Protestans omisit, & Notam eruditione plenam
 addidit, quam nemo petiit.

Sæculum IV. go Præfecti militares Moysen suo defec-
A. C. 373. to evocatum, in conspectum Lucii sistunt

tunc vero Moyses ad Lucium, Magistratibus, & omni populo præsentibus, ait: *Apage! Episcopi nomine indignus sum, si autem, quamvis indignus, pro salute publica ad Episcopatum vocor, Creator cæli, & terræ testor, nunquam me polluerum, ut tu mihi pollutas manus tuas imponas, tot Sanctorum sanguine cruentas.* Respondit Lucius: *Si, qualis fides mea, adhuc ignoras, æquum non est, ut calumniis deceptus communionem meam averferis; hanc ergo ex ore meo disce, non alieno, sed tuo iudicio judica!* Nil est, inquit Moyses: *quod clarius cognoscam, quam fidem tuam; Episcopi, Presbyteri, & Diaconi in exilium ejecti, in Provincias Infidelium expulsi, ad metalla damnati, bestiis expositi, aut flammis consumpti, quid credas, luculenter testantur, oculi fideliores auribus testes sunt.* Hæc elocutus, juramento confirmabat, nunquam se a manibus Lucii ordinationem recepturum.

Quamvis vindictæ cupiditate Lucius vehementer accensus Virum sanctum morti dare cuperet, fortior tamen mori fuit, ne Reginam Saracenorum offenderet; ergo Moyses, ut ipse volebat ad Episcopos Catholicos, in montem relegatos, ducitur, a quibus accepta manuum imponi-

impositione, nunquam non eorum com-
 munionem retinuit. Christianos paucos
 invenit apud Saracenos, multos vero ipse
 verbo, & miraculis convertit. Effecit,
 ut pacem cum Romanis haberent, quibus
 datam fidem Regina Maouvia servavit.
 Ecclesia memoriam S. Moysis 7. Febr. co-
 lit. Antehac S. Hilarion non nullos Sa-
 racenos ad fidem converterat, & alius S.
 Monachus integram tribum, cum Princi-
 pi eorum, nomine Zocom, prolem mas-
 culam suis precibus impetrasset; pluri-
 mi tamen innumerabilis pene nationis
 Idolis serviebant.

Sæculum IV.
 A. C. 373.

Marty. Sup.
l. XII. §. 18.
Sozom. VI.
c. 38.

§. XXXIX.

Res Ecclesiæ Romanæ.

Interim Petrus, legitimus Alexandria
 Episcopus, post suum discessum ad o-
 mnes Episcopos Catholicos Epistolam de-
 dit, qua ea omnia, quæ Alexandria, &
 partim in reliqua Ægypto crudeliter in
 Catholicos gesta fuerant, pathetice de-
 scribit. Post hæc mare trajiciens, Ro-
 mam ad S. Damasum Pontificem se rece-
 pit, qui omnem ei charitatem impendit.
 Ut Petrus Arianorum crudelitatem ante
 Romanorum oculos re ipsa poneret, ve-
 stem cujusdam Catholici sanguine imbu-
 tam exhibuit, simulque omnibus intuen-
 tibus lacrymas elicuit. Ferme annos
 quin-

Theod. IV.
c. 21.
Socr. IV.
c. 22.

Greg. Naz.
or. 23. p. 413.